

張仲景傷寒論原文



讀過傷寒論卷七

新會 陳伯壇英畦著

男 萬駒  
受業 鄧義琴 全校  
林清珊

陽明篇豁解

脾胃不和乘由胃射通脾注高  
胃中燥乃和奪陽吸奉氣而入胃  
因故胃中燥也  
高汗乃和奪陽吸之行乃利小便者因  
倒胃中之水谷故生燥也

合明之陽即太陽而陽明相合也

巨陽乃太陽之經別

問曰。病有太陽陽明。有正陽陽明。有少陽陽明。何謂也。答曰。太陽陽明者。脾約是也。正陽陽明者。胃家實是也。少陽陽明者。發汗。利小便。胃中燥。煩。實。大便難是也。

以太陽之稱稱陽明。謂之太陽陽明。以正陽之稱稱陽明。謂之正陽陽明。以少陽之稱稱陽明。謂之少陽陽明。何以指陽明曰太陽。非謂太陽病傳入陽明也。謂合明之陽。與日中最離之陽相髣髴。儼於二陽之上加

讀過傷寒論卷七

陽明篇豁解

李太師王合德撰

一陽。其象如巨陽。陽明而王於巳午未。故名其病曰太陽陽明。何以指陽明曰正陽。非謂陽明病另有正陽也。謂當正之陽。與日西將落之陽相髣髴。儼若正陽返照之斜陽。其象為衰陽。陽明僅王於申酉戌。故名其病曰正陽陽明。何以指陽明曰少陽。非謂少陽病復傳陽明也。謂廣明之陽。與日東甫出之陽相髣髴。儼於二陽之下見一陽。其象如初陽。陽明而王於寅卯辰。故名其病曰少陽陽明。看似三種陽明病。實則舉太陽陽明為陪客。即下文多數陽明病。類皆正陽陽明之陪客。仲師先清種種陽明之眉目。設為問答。解釋陽明之不安於其位。無非為裏邪所操縱。覺三病形中復



有三病形也。觀問詞曰何謂也云云。答詞曰是也云云。所問者陽明。所答者脾胃耳。脾與胃與太陽少陽何涉。卽陽明病亦非可以胃家二字括之也。下文言屬陽明者屢矣。非卽不屬胃之互詞乎。蓋陽明者胃脈也。可分亦可合者也。問答分爲二。欲人聞一以知二。問答分爲三。示人舉一以反三也。形容胃氣之外肆。邪乘其脾曰脾約。以麻仁丸爲主方。下文不明言太陽陽明者是。形容胃氣之旁落。邪客其家曰胃家實。以大承氣爲主方。下文不明言正陽陽明者是。形容胃氣之中餒。邪奪其燥曰胃中燥。以未可與承氣湯爲定法。下文不明言少陽陽明者比比皆是也。夫少陽陽明病何

讀過傷寒論卷七

陽明篇論解

二

嘗胃不實。例如發汗利小便。致胃中燥。燥而至於煩。則呈露其實。且大便難以微明其實。凡此雖習見於下文。總不離乎實邪入胃者近是。與大承氣證相去幾何耶。吾謂半燥半實之端倪則如是。由燥而實之實際不如是也。似是而非之大承氣證最足以惑人。末數句已伏通篇之疑案。故答少陽陽明之間獨詳也。嘉言元御小便利句下加已字非。

陽明之爲病。胃家實也。

胃家實三字。非複上文耶。不知一胃家實。便生出下文無數實字。並含卻無數虛字。上文不過舉一以爲例耳。然則通篇作胃家病論可矣。胡獨注意在陽明乎。

車節爲大承氣之的証在通篇所  
有行大承氣者具有車証在焉  
陽明之爲病  
邪入了陽明則化爲實也  
陽明之上燥氣治之中見太陰  
所以陽明車氣是燥方陰車  
氣之証

陽明居於中土。肌肉在陽外。主皮。主少陽外。主筋。理。所謂陰邪者。乃太陽病。完之。後。可保邪。轉於陽也。

陽明居中土也。乃守土之神。保存水穀。胃掌倉廩者。皆託庇於陽明。經所謂二陽為衛也。非必陽明白開其隙。而實邪已襲入於胃中。蓋有胃脈為導線。往往胃先受邪。令陽明無卻邪之餘地。初非入寇於陽明。而作崇於陽明。陽明之為病為獨殊也。夫以燥本之陽明。與寒邪原不相入。且陽明為闔。則藩籬無恙在。度非客感所能乘。特無如中土為萬物所歸。餘邪遂直抵於無所復傳之地。幻為演劇之場。此豈陽明所樂受。猝不及防故耳。雖然。陽明不能自為計。反中實邪之計。而虛左以讓邪。是縱邪入胃。若甘為胃邪之傀儡者然。未始非陽明之變也。陽明之變相猶向外。惟

讀過傷寒論卷七

陽明篇論解

變相中不可捉摸之內容。悉為陽明所包孕。又不啻陽明犧牲其胃家之珍。供羣醫之刀俎也。謂非陽明釀成其病而不得。申言之曰胃家實也。揭二陽之黑幕。破中土之疑案。懸一實字為萬世師。可與大承氣湯者胃家實。未可與大承氣湯者亦胃家實。下文窮形盡相以曲繪其已實與未實。覺陽明之為病層出而不窮。陽明因胃家之變端為變端。能慎用承氣者福。濫用承氣者禍也。

問曰。何緣得陽明病。答曰。太陽病。若發汗。若下。若利小便。此亡津液。胃中乾燥。因轉屬陽明。不更衣。內實。大便難者。此名陽明也。

陽明燥者。在太陽。有濕則燥。其濕土在胃。而中氣利。大便。化之存。乃置大小便。胃能直接受邪。

問詞儼爲陽明惜。謂明明病在太陽。陽明不應得病而得病。想必有來因也。答詞亦指實其太陽病。無如答不在病而在醫。蓋發太陽之汗則可。若發陽明之汗。汗藥先透入一層。太陽病如故也。若一面汗一面下。陽明尤被其影響。外邪亦進入一步。太陽病不如故矣。其未屬陽明者。津液尚可爲耳。寧稍緩須臾。勿治之以顧全其小便。猶冀得一當也。若不俟小便之利而利之。外邪更有機可乘。水從下去。勢必邪從中入矣。三若字。責其治此不治彼。宜乎彼不病而此病。曰此亡津液。在太陽得小便利不患津液之亡。在陽明利小便轉速津液之亡。徵諸胃中乾而且燥。陽明之燥本

。已爲之一變。陽明有溼以制燥則溼而燥。胃中燥則不特燥勝溼。溼亦化燥。要皆外邪利用其溼土之乾。爲未來之實。故有現在之燥。其胃中固有之溼之燥又一變也。夫太陽病雖切近於陽明。究非切近於胃也。苟如法以汗下利其小便。與陽明固無涉。與胃家更無涉。乃因移轉太陽之邪屬諸胃。因而又轉胃中之邪屬陽明。相因而致故曰因也。非必共見陽明之病形。但從傳化上討消息。則更衣與大便無遁情。一日一大便曰更衣。不更衣是大便失其常。今日不更衣或大便。大便難則非不更衣無所苦。於是不更衣證具。大便難證亦具。緣有內實爲中梗。有諸內者形諸外。三證原

太陽外証身熱汗出惡寒亦  
惡風不但此也豈有其他太陽外  
証則知向外不向內而表証即  
在表外証即在外  
陽既外形而外尚有太陽生必深  
借鏡越過太陽而內可看陽既  
之內容之即於外也  
太陽病後起此起之在表也  
陽既即陽得邪熱浮而表起也  
所以處在經外者外証也  
陽浮而必生陰弱



是一證也。陽明病何為若此。曰此名陽明也。言外則  
曰其實非指陽明病。陽明間接受邪。卻直接受病。故  
易其稱耳。陽明得病之緣由固當問。陽明非必有得病  
之實。而不能免得病之名。尤當問也。

問曰。陽明病外證云何。答曰。身熱。汗自出。不惡寒  
。反惡熱也。

承上內實二字問外證。不問內證矣乎。非也。陽明外  
證邪在內。不同太陽外證邪在外。如欲借鏡陽明之外  
面。顯出陽明之內容。須借鏡太陽之外面。顯出陽明  
淺一層之外。深一層之內。問詞意謂有諸內必形諸外  
。答詞並指出外形之外。曰身熱。假太陽之身。現陽

讀過傷寒論卷七

陽明篇論解

明之熱。熱同而此諸陽浮之熱略不同。曰汗自出。出  
陽明之汗。變太陽之汗。汗同而此諸陰弱之汗亦不同  
。且分別在又邪喜寒不惡寒。非喜寒也。寒邪不在外而在內。  
故脫化其寒。特惡熱又似乎半在內半在外。或疑其反  
惡在外之熱。不惡在內之寒。不知陽明對外無所用其  
惡。遂反顧而惡在內之熱。故不曰正惡熱。曰反惡熱  
。獨是陽明為闔也。外證則不為其闔而為其開也。實  
邪既闔其內。胡復開其外耶。此其所以謂之反也。邪  
與正反。故外與內反。實狀反逼陽明之藩籬。陽明雖  
欲不開而不得。是陽明外證即內證所迫而形。又不能  
援太陽以為例。太陽外解則外證無存在。陽明外解則

外證仍存在。答詞是答外未解之外證。非答外已解之外證也。

問曰。病有得之一日。不發熱而惡寒者何也。答曰。雖得之一日。惡寒將自罷。卽自汗出而惡熱也。

問詞追述陽明得病之前一日。一若疑陽明無故惡寒也者。不知陽明非見寒而不惡。特寒罷則無寒可惡耳。

曰不發熱而惡寒。已將太陽陽明雙方之知覺。一口道破。蓋太陽惡寒當然有發熱。卽已發未發。仍躍躍欲發也。不發熱則太陽之陽絕不浮可知。俟陽明證見而後發熱可知。不過賸有太陽惡寒之知覺焉已。陽明方且與太陽相得不相失。勢必從太陽之惡以爲惡。太陽

讀過傷寒論卷七

陽明篇論解

六

之惡寒者半。陽明之惡寒者亦半也。問詞不解陽明之用情。答詞則謂陽明非不惡寒。特惡寒當未罷。陽明與太陽同感觸。非關太陽強之同。惡寒將自罷。陽明不與太陽同感觸。非關太陽使之獨。乃陽明不爲寒熱所蒙蔽。惟其自明。是以自罷也。於將罷未罷之時。正好爲陽明綢繆及之。雖得之一日。可爲二日定方針。以不發熱而惡寒。與自汗出而惡熱。有反比例之理存焉也。如鼎烹然。初亦寒水爲湯耳。久之則鼎沸而熱。非自汗出而惡熱之現象乎。設汗出熱退。又太陽愈兆。豈所論於陽明乎。

問曰。惡寒何故自罷。答曰。陽明居中土也。萬物所歸

幸而能是由太陽病後流而變  
乃陽明直捷受得未也  
太陽中風節者又惡寒故也  
可決言不待傳厥而陽明自受  
之  
乃其然而然使之轉身而能  
治

內經胃之為市  
營衛者精氣也

○無所復傳。始雖惡寒。二日自止。此為陽明病也。○  
問詞猶有傷寒傳經之見存。以為邪氣藉陽明為過渡。○  
苟由陽明而少陽而三陰。則惡寒雖罷亦復作。緣少陽  
篇以下無數寒字。少陰篇無數惡寒字。安有餘邪未肯  
干休。此後無復有惡寒之一日耶。他經非陽明之比。○  
豈經經惡寒亦作罷論耶。此第臆度餘邪之去路。未識  
餘邪之歸路。遂誤會邪從太陽陽明少陽一路去也。孰  
意中土尤捷徑乎。曰陽明居中土也。萬物所歸。如歸  
市謂之歸。經云胃之為市者。容萬物之稱也。歸中土  
便是歸陽明。受陽明之治者正。逆陽明之治者邪也。○  
斷言之曰無所復傳。中土雖陽明為統轄。而外邪已習

讀過傷寒論卷七

陽明篇論解

為生長之鄉。既非傳自陽明來。當然不自陽明去。况  
無復傳之處所乎。彼泥看傳經者。或謂經傳而不盡傳  
於腑。或謂正傳而不盡傳其邪。皆騎牆之論。為邪崇  
所竊笑者也。舉傳字答罷字。則不必問其罷不罷也。○  
問傳不傳可矣。其將罷也。惡寒不自陽明始。其不傳  
也。惡寒卻自陽明止。雖惡寒不過前一日事。止惡寒  
乃後二日事。止字又為罷字刪後路。已說到寒邪之盡  
頭。問答之詞亦畢。胡曰此為陽明病也。毋乃贅耶。○  
答詞謂止而不惡寒耳。非謂止而不惡熱也。二日正外  
邪強派陽明受病之日。欲不為病機所轉移而不得。惡  
寒則止此。為病不止此也。且陽明病始如此。非陽明

本論所有言發汗以爲驅邪之邪者。蓋其汗非驅邪之汗。乃其人汗也。惟風濕証。應發其汗。其汗者。濕水也。三焦乃水穀之道。所以通水穀於胃者。三焦也。胃乃水穀之澌。澌者。通也。獨是乃胃胃氣固和之說也。

病不如此也。他經病邪從歧路去。與中土無涉。彼為彼病。此為此病也。

本太陽病。初得病時。發其汗。汗先出不徹。因轉屬陽明也。傷寒。發熱。無汗。嘔。不能食。而反汗出澌澌然者。是轉屬陽明也。

本條轉屬陽明。何快捷乃爾。未經若下若利小便。省卻幾層波折矣。太陽病三字上加一本字。有何意義耶。不知太陽病屬陽明。交代已清者也。本太陽病屬陽明。交代未清者也。以太陽之本病仍在故也。初得病明明太陽受病無幾時。正好發汗以徹其病。乃發汗不如法。不發出其邪。僅發出其汗。汗先出便不能追逐

讀過傷寒論卷七

陽明篇論解

餘邪。焉能徹邪。徒耗其汗而已。彼汗出邪亦出。太陽有病轉無病。若汗出邪不出。陽明無病轉有病。皆因無不先不後之汗以卻邪故耳。假令續得精氣為後勁。大可將太陽本病還諸太陽也。無如其汗一發而無餘。不啻為外邪開道路。於是太陽翻作陽明病。陽明代表太陽病。張冠李戴無異也。其與併病有間者。彼證陽明分任太陽病。太陽猶未息肩也。本證陽明獨任太陽病。太陽得以卸肩也。此雖便宜於太陽。究非外邪趨勢在陽明。可以不忘本之邪目之也。下文陽明病中。具有太陽病狀者。可類推也。舉一端以為例。因轉屬陽明者此其一。又舉一端以為例。同是傷寒。苟但發

太陽之熱。沒收太陽之寒。既已發熱。又無太陽之汗。但作太陽之嘔。顯見寒邪有遁情。放鬆太陽處。正逼緊陽明處。異在陽明爲闔。未嘗發汗以洞開其闔。二陽之自衛尙固耳。孰意其有聲有物之嘔。已爲通敵之響應乎。下文食穀欲嘔者屬陽明。猶未至於不能食。不能食則穀氣不足以供其嘔。胃中無容穀之餘地可知。陽明雖自若。而倉廩之官。非其統治矣。初非屬陽明。殆屬胃而後轉屬陽明。往往胃先受邪。陽明猶未及覺也。曷以知其轉與未轉耶。無汗轉爲汗。可徵明其胃氣之轉。特澦然之汗。乃胃氣因和之汗。邪未解而反汗出。烏在其澦澦然耶。澦者和也。汗出少者

讀過傷寒論卷七

陽明篇餘解

九

爲自和。胃氣不敢與邪戰。則表和卽裏未和之反證。汗不勝邪。而反避邪。陽明無精氣爲保障。餘邪勢必與陽明爲難。是轉屬陽明者又其一。易因字爲是字。看似此是而彼非也。夫因轉屬陽明何嘗不是陽明病。是轉屬陽明何嘗非因太陽病。因之云者言其偶。是之云者道其常也。

傷寒三日。陽明脈大。

上文旣於二日定陽明之證。本條復於三日定陽明之脈。非證證未見而脈先呈也。設三日未屬陽明。則脈未必大矣。旣屬陽明。過此又未必大矣。書傷寒三日。非少陽受病之日哉。不涉少陽曰陽明。可知三日非少

事希指太陽傷寒而五日  
日久便見得陽明脈大之徵

三

陽獨有之日。乃傷寒公共之日。泥看少陽受病者非。泥看陽明受病者亦非也。假令三日少陽證見。當然脈小。假令三日陽明證見。當然脈大。又非大脈便算陽明病也。太陽篇三見脈大。詎獨陽明始有大脈乎。在太陽大則為虛。在陽明非虛象即實象之端倪乎。徒執脈以求其大。則末矣。吾謂不識何者是陽明脈。必不識何者是陽明之大脈。陽明者胃脈也。胃脈之變見即陽明。非單指跌陽言。兩手寸關尺皆作陽明看。認定陽明證以體會陽明脈。則大與小之比較。可想像而得也。蓋三日陽明之闔力稍鬆。餘邪又從而張大之。內拒陽明之闔。正邪交迫故大也。行將闢開陽明矣。脈

讀過傷寒論卷七

陽明篇論解

十

象不過裏邪先露其一斑。出三日之脈不具論。下文大脈僅一見。豈長此其大無外之脈乎。

傷寒。脈浮而緩。手足自溫。是為繫在太陰。太陰者身當發黃。若小便自利者。不能發黃。至七八日。大便鞭者。為陽明也。

書傷寒。紀太陽傷寒也。固非屬陽明。尤非屬太陰。乃脈浮之中有緩象。儼於太陽病中有太陰象。以脾脈主緩。浮而緩與浮緩不同也。徵諸手足。手足為太陰標陰所主。以涵接諸陽。陽和故不至於厥。陰和亦不至於溫也。書自溫。顯見太陽之標陽。太陰之標陰。俱不到於四末。反被寒邪之標熱。注射使之然。病所

改

生陽既衰黃則相宜胃家實  
甚黃生金遷黃瘰癧門五石同  
論此女勞瘵者下後黃者

非佳

脈浮而緩而緩之脈乃現出太  
陰之脈且緩脈乃陰脈之脈之  
緩者也

手足是諸陽之府

陽者陰石附陰者陽石守  
若陰度溫者陽度厥

四末中四肢之末端也

手足自温以陰陽二標不和而  
非是寒邪之標也注射柱四  
者以手足被劫之故

手足自温以陰陽二標不和而  
非是寒邪之標也注射柱四  
者以手足被劫之故

手足自温以陰陽二標不和而  
非是寒邪之標也注射柱四  
者以手足被劫之故

脾為中央土

手足自温以陰陽二標不和而  
非是寒邪之標也注射柱四  
者以手足被劫之故

手足自温以陰陽二標不和而  
非是寒邪之標也注射柱四  
者以手足被劫之故

不在手足。而影響於手足。故曰自温也。非心通造化

之仲景。焉能揭出其病情乎。曰是為繫在太陰。取以

繩繫物之義。太陰牽繫太陽之邪。令其在太陽不得逞

。在太陰亦不得逞也。繫在陰當然解在陰。無事解於

陽。繫鈴解鈴同綫索也。蓋太陰為開。與太陽之開若

離合。太陰能開太陽者其常。不能開太陽者其偶。觀

其身之黃不黃。便知太陰之開未開矣。以陽邪沾染太

陰之溼色。則鬱蒸為黃。發黃可徵明足太陰之開。手

太陰之開不待言。若手太陰先開。必水道通調。小便

自然而利者。非黃從小便去也。尿無皂角汁狀。不特

黃無去路。小便適以止截其黃。緣手太陰之開力僅及

讀過傷寒論卷七

陽明篇豁解

十一

於膀胱。祇能利小便。足太陰之開力不及於毫毛。不

能發黃也。清肅之令行。正溼土秋收之候。其轉移小

便者。得自上而下之天氣。埋沒身黃者。無自內而外

之地氣也。殆脾家實矣乎。獨是至七八日非暴煩下利

日十餘行。則脾家無消息。而於胃家有關係矣。此又

太陰之縱邪。一任其製造陽明之大便。特以腐穢為之

驢也。如其大便鞭者。雖未純然胃家實。陽明不能行

使其大便可知。曰為陽明也。實邪為所欲為於太陰之

前。陽明受病從此始。勿謂八日陽明病衰也。何以不

曰陽明病耶。轉屬陽明則陽明病。轉繫陽明則陽明不

病。故闕病字以觀其後也。

傷寒。轉繫陽明者。其人澼然微汗出也。

本條亦書傷寒耶。得毋未嘗繫在太陰耶。必太陰解其繫。然後曰轉繫。繫解則寒邪得復回其原狀。故亦曰傷寒。傷寒轉屬不勝書。假令轉屬陽明。餘邪一番作用。有死灰復燃之慮矣。差幸其始終不能狡脫。不啻自縛於陽明。陽明轉執之以歸。亦繫之而已。何以不從太陽轉繫陽明耶。得之一日。陽明即自汗出。方且卻邪之不暇。遑暇繫邪乎。惟太陰之前曰陽明。陽明又從乎中見。其轉繫鬚鬚私相授受者然。非其人能操縱餘邪也。餘邪無如其人何。其人亦無如餘邪何。其寒雖罷不為熱。其人惡寒雖罷不惡熱。實無汗出之足

讀過傷寒論卷七

陽明篇論解

三

言。乃曰其人澼然微汗出。得毋欲以汗解耶。下文一則曰澼然汗出而解。一則曰澼然汗出則愈。又曰身澼然而汗出解。獨本句無解字。汗微解亦微。仍作未解論。不觀二陽併病續自微汗出。猶曰當解之乎。微汗可徵明其轉繫。非徵明其欲解也。特陽明病法多汗。汗出無損於其人。且見其人之精氣為足恃耳。殆不解之解者歟。陽明轉闔而為開。則且開且解矣。豈同大便已鞭之澼然汗出乎。又豈同轉屬陽明之反汗出澼澼然乎。

陽明中風。口苦咽乾。腹滿微喘。發熱惡寒。脈浮而緊。若下之。則腹滿。小便難也。

此句何是胃氣之陷者

陽中風乃陽直接受之

上文不書陽明傷寒。本條特書陽明中風。傷寒來自太陽。太陽為主動。中風出自陽明。陽明為主動也。陽明直接中風者其偶。直接中寒者亦偶。獨傷寒必藉太陽為化始。不能窮邪崇之變。中風中寒不藉太陽為化始。可以窮邪崇之變。下文中風證具曰無餘證可知也。且病過十日非中風之常。來勢驟者去亦驟也。況太陽先免卻中風一層。必為陽明之援助。又有少陽太陰為後盾。殺其勢而風自熄。下文中風不治者尤偶也。觀其陽明證不悉具。而口苦咽乾似涉於少陽。非病少陽也。少陽為之轉。陽明翻作少陽證。故口苦證陽明有其一。口苦咽乾證少陽有其二也。腹滿微喘又連於

讀過傷寒論卷七

陽明篇諸解

太陽不能開乃陽不能開故不能開也

太陰。非病太陰也。太陰不能開。陽明中見太陰證。故腹滿微喘證陽明有其二。腹滿證太陰有其一也。發熱惡寒尤類於太陽。非病太陽也。太陽亦不能開。陽明假託太陽證。故發熱證陽明有其一。發熱惡寒證太陽有其二也。大抵陽明中風不得汗。傷寒纔得多汗。以其氣不通。不同傷寒氣尚通也。假令脈弦浮大。仍是中風脈。無汗解之望矣。惟脈浮而緊。是中風變傷寒而去。儼以傷寒之脈還諸太陽。在太陽浮緊脈當發汗。在陽明當從容以出汗。下文脈浮而緊。明曰汗出不惡寒矣。矧汗出而解者。又曰脈緊則愈乎。就令無汗亦有病衰之日。勿治之可也。而最反對者莫如下。



陽學風乃陽氣之接受之性也  
中寒之証亦有幸篇僅見也

若下之必陷邪入腹。太陽緊反入裏則作痞。本證浮不在外則腹滿矣。豈徒微喘已哉。恐有加噦之虞。曰小便難。尤有不尿之慮也。欲求大便鞭而不可得。可勿慎歟。

陽明病。若能食。名中風。不能食。名中寒。豈若能食三字。看似補點陽明中風之食量也。豈不能食三字。看似帶點陽明中寒之食量也。又似能食即胃家實之根由。下文凡可下之證。可作中風觀也。不能食即胃家不實之根由。下文凡不可下之證。可作中寒觀也。然試問陽明中風。果能食否乎。上條則腹滿。下條則時時噦。安有滿噦而能食之理。况陽明中風凡

讀過傷寒論卷七

陽明篇豁解

古

兩見。均無能食字樣乎。可知中風與陽明中風。名同而實異也。又可悟中寒與傷寒。名異仍非實同也。書陽明病。病太陽轉屬之傷寒。非陽明中風也。從病字生出中風字中寒字。以其能食。則寒入胃為陽。陽能消穀。風主消。故名中風。寒邪脫化之代詞也。不能食則寒入胃為陰。陰不能消穀。寒主凝。故名中寒。寒邪不脫化之代詞也。不能食固非實。若能食仍非實。能食初關於胃氣之強。不能食不盡關於胃氣之弱也。下文可下證。何嘗條條能食。不可下證。何嘗條條不能食乎。且得病二三日節。一則曰雖能食。再則曰雖不能食。兩雖字何等活潑。能食與否。何庸泥看乎。



。本條二義。皆胃家實之陪客。非為大承氣證辨真偽也。蓋胃家受邪之始。儘有好惡之異同。中風中寒者其名。則能食不能食者其例。而變證之遲速。與見證之微甚。未始無因耳。

陽明病。若中寒。不能食。小便不利。手足濇然汗出。此欲作固瘕。必大便初鞭後溏。所以然者。以胃中冷。水穀不別故也。

陽明病就令非中寒。且能食。猶有慎下之條也。若中寒。不能食。其不可下也。更不待言。此行文以淺形深之法。舉中寒以為例。欲人先從食穀上討消息也。獨是中寒二字下文不再見。而上條僅一見。吾知若字

讀過傷寒論卷七  
陽明篇論解  
是轉語。謂若果中寒。則非特名中寒。若字又異詞。謂若是中寒。則不得為傷寒。緣不能食不過與中寒同其名。未嘗與傷寒同其實。非可一例看也。且但曰不能食。則廢食未嘗廢飲可知。宜其後陰不消穀。前陰

猶消水也。何居乎小便不利若是。夫寒邪入胃。必藉糟粕為護符。水穀無兩全之地。小便可以驗其水。汗出可以驗其穀。胃中積穀富於水。故陽明病法多汗。未有曰陽明病法多渴也。假令身濇然而汗出解。雖小便不利庸何傷。無如手足有汗而不及其身。顯見穀氣之旁落。匪但穀不勝邪。抑亦穀不勝水矣。此亦有大便已鞭之端倪。特下文言鞭不言固。固之中非純然鞭

汗生於穀  
三陽三陰病以陽病為汗者  
最多因汗生於穀陽以水穀  
為液有故富於汗者也  
亦亦不便不利方便祇有  
作瘕瘕及溏瀉而已斷不  
胃家實

。鞭之中是純然固。鞭而且固則如彼。固而似鞭則如此也。此欲作大瘕泄之固者歟。縱非大泄。而偶爾便鞭。初鞭必後澹之變相。後澹乃不鞭之本色。澹多於鞭。故第曰初鞭不曰初頭鞭。澹鞭非作兩概看也。所以然者。其故有三。以胃中過去之寒。變為現在之冷。冷如冰結。此固瘕證具之所以然。水穀俱冷則冰不消。穀冷不足以敵寒。水冷適足以召寒。此因水穀不別。為中寒之的之所以然。寒無有不沈。則瘕無不泄。欲作固瘕伏於中寒之前。速成固瘕即在中寒之後。此因小便可必其大便之所以然也。

陽明病。欲食。小便反不利。大便自調。其人骨節疼。

讀過傷寒論卷七

陽明篇辭解

六

翁翁如有熱狀。奄然發狂。濺然汗出而解者。此水不勝穀氣。與汗共并。脈緊則愈。

上條中寒水穀不別。本條非中寒則水穀當然別。上條水穀共并之陽明病。本條水穀不共并之陽明病也。書欲食。則能食且饗矣。非欲飲必富於水。宜乎小便利。徒欲食必貪於穀。未易大便調。乃前部反不利。反字有疑竇。後部卻自調。自字有遁情矣。吾不疑其大便之水穀不別。吾獨疑其水穀已別。大便有出路。反小便無出路。胃中之水。不知其何往也。得毋腎主二便。腎又主骨。其水不下輸於膀胱。而蟄封於腎耶。不然。胡為乎骨節疼也。書其人骨節疼。與其人之骨

腎兩竅於夜

腎氣水生病可夜是腫腫是

桂枝

水蟄封於骨而骨節疼

者故也

陽明外主肌肉有水有汗

有條和塵動故骨節疼

太陽篇傷寒者以新黃為  
的方而中風則以桂枝為的方

節無涉可知。則不當求其故於骨節。當求其故於肌肉。○假如病情不在肌肉。何至翕翕然有發出太陽之熱狀。○又有不能遽出太陽之熱狀。曰如有熱狀乎。○顯見其肌肉有水有汗有餘邪。○壓制骨節故疼也。○吾又不患其水之無出路。○轉患其穀氣之堆積。○且餘邪昏亂其穀神。○大便雖調。○仍有不調者在也。○書奄然發狂。○奄者精氣閉藏之貌。○穀生於精。○精氣無所泄。○則悍極而狂。○奄字从大从申。○大有激昂欲申之概。○不知者方訝其病進矣。○孰意熾然汗出而解者。○其病情乃大白乎。○不曰譫語曰發狂。○譫語是受邪之狀態。○無力以解邪。○發狂是不受邪之狀態。○有威以解邪也。○特汗出較遲者。○看

似穀氣之不前。○值水氣之太過。○穀不勝水氣也。○乃曰水不勝穀氣。○汗生於穀。○胡不卽自汗出耶。○蓋有水以梗其汗。○始則邪水共并。○邪藉水爲護符。○繼則水與汗共并。○水藉汗爲護符。○緣穀氣卻邪兼卻水。○水氣戀汗不戀邪。○汗以解邪。○非以解水也。○水不能共并汗以解邪。○不啻共并汗以留邪。○邪氣水氣交迫於分肉之際。○病雖解而未信其愈者。○未盡穀氣之長故也。○曰脈緊則愈。○邪與汗相搏。○水與邪又相搏。○當然脈緊。○假令脈緩。○脈愈證未愈也。○惟證解脈未解。○留未盡之汗。○逼取未盡之邪。○脈由緊而不緊則愈也。○嘉言元御欲食句上加初字非。○嘉言翕翕然刪翕字尤謬。○